

**TEZAUUR LITURGIC**  
**13 AUGUST**

**ACATISTUL**  
**SF. IERARH**  
**TIHON,**  
**EPISCOPUL**  
**VORONEJULUI**



**MOSCOVA, 2000**



# Акафист

## святителю Тихону, епископу Воронежскому, Задонскому чудотворцу

---

### Кондак 1

Избранный уго́днице Хри́стов, Святителю́  
о́тче Тихоне, возсия́вый ми́рови, я́ко  
светоза́рное свети́ло, прославля́юще  
просла́вльшаго тя Го́спода, дарова́вшаго нам в  
тебе́ но́ваго вели́каго моли́твенника и  
помощника, ско́раго неду́гов душе́вных же и  
телесных целителя, похва́льное воспева́ем ти́  
пение: ты́ же, имейя́ велие дерзнове́ние к  
Влады́це небесе́ и земли́, от вся́ких нас бе́д  
свободи́ зову́щих:

Ра́дуйся, Тихоне, вели́кий и пресла́вный  
Чудотво́рче.

### Икос 1

А́нгелов собесе́днице и челове́ков наста́внице,  
ны́не, я́ко Бо́жий служи́тель, предсто́я с

вы́шними ли́ки, Святы́телю Тихоне, мо́лиши о  
всѣхъ насъ Христа́ Бога́ нашего и к вѣденію  
спасѣнія ны́ руково́диши. Сего́ ра́ди благодарне  
во умилѣнии вопиѣмъ ти́:

Ра́дуйся, пречестно́е Святы́я Трои́цы селѣние;  
ра́дуйся, чистото́ю и святы́нею А́нгелом  
уподо́бленіе.

Ра́дуйся, свѣти́льниче Божѣственнаго свѣта;  
ра́дуйся, всесвѣтлое благода́ти приятелище.

Ра́дуйся, присный предъ Го́сподемъ нашъ  
засту́пниче;

ра́дуйся, тёплый предъ Ни́м о насъ  
моли́твенниче.

Ра́дуйся, ско́рый в ну́ждахъ и ско́рбехъ су́щимъ  
помощниче;

ра́дуйся, до́брый ду́ш нашихъ наста́вниче.

Ра́дуйся, Це́ркве правосла́вныя утвержде́ние;

ра́дуйся, всея́ земли́ Росси́йскаго свѣтлое  
озаре́ние.

Ра́дуйся, Воро́нежскаго па́ствы похва́ло;

ра́дуйся, оби́тели Задонскаго украше́ние.

Ра́дуйся, Тихоне, вели́кий и пресла́вный  
Чудоотво́рче.

### **Конда́к 2**

Ви́дя в тво́рениих, а́ки в зерца́ле,  
прему́дрость и сла́ву Творца́ вся́ческих Бо́га, к  
Нему́ ду́хом вы́ну возноси́лся еси́, Богому́дре:  
све́том же Богоразу́мия твоего́ и на́с озари́, да  
вопи́ем купно́ с тобо́ю: Аллилу́иа.

### **И́кос 2**

Ра́зум тво́й Божество́нными уче́ньми  
просвети́л еси́, Богому́дре Тихоне, отве́ргнув  
вся́ко плотско́е мудрова́ние, с разу́мом же и  
во́лю повину́л еси́ Господеви: те́м же сосу́д чи́ст  
и селение́ Ду́ху и́стины яви́лся еси́. Сего́ ра́ди,  
я́ко богому́драго наста́вника, тя́ ублажа́юще,  
воспева́ем си́це:

Ра́дуйся, Бо́жия прему́дрости созерца́телю и  
пропове́днице;

ра́дуйся, я́ко от тле́ннаго ми́ра духо́вное  
сокро́вище, услажда́ющее ду́ши ве́рных, собра́л  
еси́.

Ра́дуйся, и́стиннаго бо́госло́вия  
златослове́сный учи́телю;

ра́дуйся, я́ко уста́ Христо́вы, исто́чающа  
сло́веса́ жи́зни ве́чныя, бы́л еси́.

Ра́дуйся, зако́на Бо́жия от всея́ души́ твоея́  
взыска́вый;

ра́дуйся, свидéний и оправда́ний Господ́них  
возжа́давый.

Ра́дуйся, я́ко к небеси́ веду́щими стезя́ми  
невозврати́то шёл еси́;

ра́дуйся, я́ко на высоту́ добродéтелей возшёл  
еси́.

Ра́дуйся, я́ко мы́сленным о́ком к невечéрнему  
свёту — Христу́ вы́ну зри́ал еси́;

ра́дуйся, я́ко видéния пренебéснаго свёта  
сподобился еси́.

Ра́дуйся, Бо́жия ра́зума испо́лненный;

ра́дуйся, благода́тию Ду́ха Свята́го  
приосенённый.

Ра́дуйся, Тихоне, вели́кий и пресла́вный  
Чудотво́рче.

### **Конда́к 3**

Си́ла Вы́шняго чуде́сно спасе́ тя́ от  
напрáсных смёрти и я́ве показа́ тя́ сы́на  
Ца́рствия Христо́ва су́ща, Святителю́ о́тче

Тихоне, егда, во всю нощь пребывающе ти в богомыслии, внезапно небеса отверзшася и явися свет неизреченный. И тако премирныя радости исполнися, возопил еси Богу: Аллилуиа.

### Икос 3

Имя веру несумненну и помысл чист, вся красная мира сего презрел еси, Тихоне блаженне, и в образе Ангельстем неленостно послужил еси Господу Богу: тем же, аки звезда путеводная, светиши всем, хотящим жити в преподобии и вопиющим тебе:

Радуйся, житию безплотных поревновавый;  
радуйся, подвигом древних святых отец подражавый.

Радуйся, яко прием крест, Христу последовал еси;

радуйся, яко образ страстей Его в сердце твоём преднаписал еси.

Радуйся, яко вся козни диавола силою креста Господня разрушил еси;

радуйся, яко похотения греховная молитвою и терпением победил еси.

Радуйся, яко угождал еси Господу всяким благоугождением;

ра́дуйся, преукраше́нная хра́мино  
добродéтелей.

Ра́дуйся, красото́ смиренномудрия́ и  
воздержáния;

ра́дуйся, образе́ крото́сти и послуша́ния.

Ра́дуйся, по́стников весéлие и и́ноков  
похвало́;

ра́дуйся, бо́лий в ли́ке преподо́бных.

Ра́дуйся, Тихоне́, вели́кий и пресла́вный  
Чудотво́рче.

#### **Конда́к 4**

Бу́рю вну́брь имéя помышлéний,  
недоумева́ше ра́б Бо́жий, что́ рече́т о нём  
Госпо́дь, егда́ лю́дие проразумева́ху его́ досто́йна  
бы́ти святíteльства: о́баче все́го себе́ Христу́  
Бо́гу предаде́. Тому́ о́ всех благодарéние  
возсыла́я, зовы́й: Аллилу́иа.

#### **И́кос 4**

Слы́шавше лю́дие о благопло́дных добро́тах  
души́ твоея́, Богоно́сне Тихоне́, желáнием  
вожде́леша тя́ видети на стéпени святíteльства.  
Егда́ же собо́р Архиере́ев недоумева́ше вда́ти  
тебе́ же́зл па́стырства, занé ю́н был еси́, а́бие  
трикра́ты свы́ше свидéтельствован еси́, я́ко

достойный сосуд Божественная благодати, вся немощная врачующая и оскудевающая восполняющая. Тем же, дивящися чудному промыслению Бога о тебе, приносим ти сицевая благохваления:

Радуйся, Архиерею, от Самого Господа пронареченный;

радуйся, мужу желаний, пасты стадо Христова свыше избранный.

Радуйся, Пастыреначальника Иисуса благоволение;

радуйся, Иерархов украшение.

Радуйся, яко от утра жизни твоея на стражбу словеснаго стада избран был еси;

радуйся, яко и до вечера жития твоего сущия в вере неленостно назидал еси.

Радуйся, пастырю добрый, яко готов был еси душу твою положить за овцы своя;

радуйся, многосветлый Церкви светильниче.

Радуйся, Апостолов сопричаствниче;

радуйся, великих святителей сопрестольниче.

Ра́дуйся, я́ко первопресто́льнику па́ствы твоея́, Митрофа́ну освяще́нному, равночестен показа́лся еси́;

ра́дуйся, я́ко прее́мником твои́м ве́рный ко спасе́нию путево́дитель соде́лался еси́.

Ра́дуйся, Тихоне, вели́кий и пресла́вный Чудотво́рче.

### **Конда́к 5**

Боготе́чная звезда́ яви́лся еси́ все́м христиа́ном, Святите́лю о́тче Тихоне: дея́нми бо и уче́нми твои́ми не то́чию во дни́ живота́ твоего́ до́бре назидáл еси́ па́ству твою́, но и по честне́м успе́нии твое́м все́м ве́рным показу́еши пра́вы стези́ Ца́рствия Христо́ва, и науча́еши при́сно взыва́ти к Бо́гу: Аллилу́иа.

### **И́кос 5**

Ви́дя себе́ поста́влена на стéпени архиере́йства, Святите́лю о́тче наш Тихоне, не да́л еси́ сна́ очáм твои́м, ниже́ ве́ждом дрема́ния, поставля́я па́стве твое́й па́стыри смы́сленны и вся́ лю́ди управля́я ко спасе́нию. Мы́ же, ве́дуще тя́ бы́ти па́стыренача́льника богому́дренна и строите́ля до́му Бо́жия до́бра, взыва́ем к тебе́:

Ра́дуйся, крèпкое корми́ло Христо́вы Цéркве;

ра́дуйся, нѣвы Господни удобрѣние.

Ра́дуйся, вѣрных надежное утверждение;

ра́дуйся, невѣрных богомудренное обличѣние.

Ра́дуйся, Христо́ва вертограда дѣлателью  
неусы́пный;

ра́дуйся, душетлѣнному звѣрю стадо твоѣ  
расхищати не попустивый.

Ра́дуйся, хра́мов благолѣпия рачителю;

ра́дуйся, вѣрный таин святых строителю.

Ра́дуйся, я́ко стражей до́му Бо́жия на  
стражбу́ недрѣмленну уготовал еси́;

ра́дуйся, я́ко па́стырем проповѣдати  
благовре́менне и безвре́менне заповѣдал еси́.

Ра́дуйся, благий и вѣрный ра́бе Бо́жий;

ра́дуйся, я́ко вше́л еси́ в радость Го́спода  
твоего́.

Ра́дуйся, Тѣхоне, вели́кий и пресла́вный  
Чудотво́рче.

### **Конда́к 6**

Проповѣ́дник вои́стину благоче́стия яви́лся  
еси́, Святителю́ о́тче наш Тѣхоне, егда́ увидев  
безстудное пра́зднество во гра́де твоѣм, я́ко до́бр

воин Христов, притекл еси на игрище бесовское и словом вразумил еси заблуждших, научая всех звать Единому Истинному Богу: Аллилуиа.

### Икос 6

Воссиял еси, яко звезда лучезарная, Воронежской пастве, блистанием учений твоих озаряя души верных и разгоняя тму нечестия и суеверия. И ныне сладостию писаний твоих насыщаеши вся алчущия и жаждущия правды, иже благодарне и зывают к тебе:

Радуйся, наставниче всех к небеси направляя;

радуйся, проповедниче покаяния, заблуждших к исправлению воззывая.

Радуйся, славы Божия истинный ревнителю;

радуйся, странного суеверия потребителю.

Радуйся, яко душотленныя обычаи обличил еси;

радуйся, яко безстудное игрище упразднил еси.

Радуйся, имже сатана посрамися;

радуйся, имже Христос прославися.

Ра́дуйся, я́ко и по сме́рти твое́й ду́ши ве́рных  
назида́еши в благоче́стии сла́достью писа́ний  
твои́х;

ра́дуйся, я́ко в ни́х сокро́вище,  
драгоценнейшее злата́ и сребра́, на́м оста́вил  
еси́.

Ра́дуйся, златоу́сте Росси́йския Це́ркве;

ра́дуйся, па́ствы твоея́ прі́сное ра́дование.

Ра́дуйся, Ті́хоне, вели́кий и пресла́вный  
Чудотво́рче.

### **Конда́к 7**

Хотя́й невозбра́нно возно́ситься ду́хом в  
го́рняя селе́ния, благоти́шие пусты́ни возлю́бил  
еси́, Богоно́се о́тче Ті́хоне, и та́мо всели́вся,  
сподо́бился еси́ ви́дети Го́спода, от ико́ны, а́ки  
от Голго́фы, к тебе́ гряду́ща, вопи́я к Нему́:  
Аллилу́иа.

### **И́кос 7**

Но́вым по́двигом духо́вным вда́л еси́ себе́,  
Богоно́сне о́тче Ті́хоне, егда́ всесовершенство́наго  
Ду́ха благода́ть призва́ тя служи́ти Го́сподеви в  
безмо́лвии: имы́й бо по́мысл превы́ше ми́ра,  
возлю́бил еси́ смире́ние глубо́кое и моли́твы  
непреста́нныя. Сего́ ра́ди и кре́пость духо́вную

подаде тебе Подвигоположник Христос и  
сподоби тя видений благодатных, да и мы,  
ведуще таковая, ублажаем тя:

Радуйся, любителю безмолвия, духом твоим в  
вышних обитавай;

радуйся, самоотвержение всецелое  
показавый.

Радуйся, во бдениих и молитвах неослабно  
пребывал еси;

радуйся, безстрастие умерщвлением страстей  
твоих стяжал еси.

Радуйся, Господа распятого на кресте выну  
пред собою предзревый;

радуйся, и телесными очима видети Христа  
Иисуса сподобивыйся.

Радуйся, яко пречистым стопам Его  
поклонился еси;

радуйся, яко спасительныя язвы Его  
облобызал еси.

Радуйся, исполнь веселия, егда явися тебе  
Богоматерь со Апостолами;

радуйся, яко в славословии ликовствовал еси  
со Ангелы.

Ра́дуйся, та́инниче Бо́жий, е́ще на землі  
вкусі́вый небесных бла́г;

ра́дуйся, А́нгеле земный и челове́че небесный.

Ра́дуйся, Тихоне, вели́кий и пресла́вный  
Чудотво́рче.

### **Конда́к 8**

Стра́нно и вели́ко незло́бие показа́,  
Преблаже́нный, егда́ еди́н бу́ий и злона́вный  
уда́ри его́ в лани́ту; он же, А́гнцу Христу́  
поревнова́в, до землі поклони́ся би́ющему, моля́  
Бо́га о прощэ́нии ему́. Те́м же дивя́щися  
незло́бию его́, поём Бо́гу: Аллилу́иа.

### **И́кос 8**

Ве́сь испо́льнъ любве́ Христо́вы, Тихоне  
благосе́рде, ду́шу твою́ полага́л еси́ за дру́ги  
твоя́, и а́ки А́нгел Храни́тель прису́щ бы́л еси́  
бли́жним же и да́льным, озло́бленныя укроща́я,  
враждующия́ примиря́я, и спасе́ние все́м  
устро́яя. Сего́ ра́ди чте́м святу́ю па́мять твою́ и  
усе́рдно вопие́м ти́:

Ра́дуйся, пропове́дниче любве́, е́юже Бо́г  
примири́ Себе́ челове́ки;

ра́дуйся, О́тче благосе́рдый, взыска́вый  
спасе́ния мно́гих.

Ра́дуйся, смире́ния и незло́биа учи́телю;  
ра́дуйся, терпе́ния и миролю́биа наста́вниче.

Ра́дуйся, я́ко за пра́вду претерпе́л еси́  
зауше́ние;

ра́дуйся, я́ко за враги́ тво́я умоля́л еси́  
Го́спода.

Ра́дуйся, егѡ́же лю́бовь победи́ всяку вражду́;  
ра́дуйся, егѡ́же незло́бие покори́ бу́яя сердца́.

Ра́дуйся, миротво́рче благослове́нный;  
ра́дуйся, мзду́ миротво́рцев насле́дивый.

Ра́дуйся, научи́вый за́поведем Христо́вым и  
сотвори́вый я́;

ра́дуйся, ве́лий в Ца́рствии Небе́снем.

Ра́дуйся, Тихоне, ве́ликий и пресла́вный  
Чудотво́рче.

### **Конда́к 9**

Все́м бы́л еси́ вся́, я́коже и святы́й Па́вел, да  
вся́ко не́кия спасе́ши, Богому́дре: сразсужда́я бо  
немо́щному естеству́ челове́ческому, не укори́л  
еси́ бра́та твоего́, неподоба́ющия посту́ сне́ди  
яду́ща, но а́бие се́дши купно́ с дру́гом егѡ́, от  
трапе́зы то́я ма́ло вкуси́л еси́. Помина́юще у́бо  
таково́е благоснисхожде́ние твоё́, вопие́м к

просла́вльшемуся в тебѣ человеколю́бцу Бо́гу:  
Аллилу́иа.

## И́кос 9

Ветія́ многовещáнная не возмо́гут по  
достоя́нию изрещи́ твои́х благодея́ний  
мно́жество, Святите́лю о́тче Тихоне:  
щедрода́тельная бо десни́ца тво́я всю́ду  
досяза́ше. Мы́ же, благосе́рдию тво́ему  
подража́ти хотя́ще, во удивле́нии взыва́ем к  
тебе́:

Ра́дуйся, лучу́ любви́ Бо́жия;

ра́дуйся, сокрови́ще милосе́рдия Спа́сова  
неисто́щимое.

Ра́дуйся, бли́жняя тво́я па́че себе́  
возлю́бивый;

ра́дуйся, в ме́ньших бра́тиях твои́х Сама́го  
Христа́ ви́девый.

Ра́дуйся, я́ко ни́щия помина́я, хлѣ́б тво́й  
слеза́ми ороша́л еси́;

ра́дуйся, я́ко пи́тиѣ тво́е пла́чем о ни́х  
растворя́л еси́.

Ра́дуйся, я́ко и́мения тво́я неиму́щим  
расточа́л еси́;

ра́дуйся, я́ко щедрода́тельная десни́ца твоя́  
николи́же оскуде́.

Ра́дуйся, я́ко больны́я и в темни́це  
заключе́нныя посеща́л еси́;

ра́дуйся, я́ко ну́жды бе́дных предва́рял еси́.

Ра́дуйся, сло́вом и приме́ром затворе́нныя на  
благосты́ню сердца́ отверза́вый;

ра́дуйся, ми́лостивых блаже́нство от Го́спода  
стяжа́вый.

Ра́дуйся, Тихоне, вели́кий и пресла́вный  
Чудотво́рче.

### **Конда́к 10**

Спасти́ся все́м хотя́й преблагий Го́сподь яви́  
тя, Святите́лю о́тче наш Тихоне, о́браз жития́  
пра́веднаго: кто́ бо не умили́тся, ви́дя твоё  
безме́рное ко все́м благосе́рдие. Те́м же ве́лию к  
на́м ми́лость Бо́жию сла́вяще, вопие́м: Аллилу́иа.

### **И́кос 10**

Стена́ бы́л еси́ по́моци и заступле́ния все́м  
безпомо́щным и напаствуемым, Святите́лю  
Тихоне, и милосе́рдия неисто́щимое сокрови́ще.  
Сего́ ра́ди сла́вяще Бо́га, дивнаго во Святы́х  
Свои́х, и тя ублажа́ем:

Ра́дуйся, безкро́вных пристáнище;  
ра́дуйся, всѣх беспомо́щных ско́рый  
помо́щниче.

Ра́дуйся, си́рых пита́телю и призре́ние;  
ра́дуйся, ску́дных земледельцев снабде́ние.

Ра́дуйся, скорбя́щим прибѣжище;  
ра́дуйся, печа́льным утешѣ́ние.

Ра́дуйся, оби́димым заступле́ние;  
ра́дуйся, оби́дящих вразумле́ние.

Ра́дуйся, угнетѣ́нным защи́тнице;  
ра́дуйся, си́льным ми́ра сего́ небоязненный  
Суда́ Бо́жия провозвѣстниче.

Ра́дуйся, я́ко за пра́вду претерпѣл еси́ ско́рби;  
ра́дуйся, я́ко стяжа́л еси́ блаже́нство гони́мых  
ра́ди пра́вды.

Ра́дуйся, Тихоне, вели́кий и пресла́вный  
Чудотво́рче.

### **Конда́к 11**

Пе́ние у гроба́ твоего́ уго́дниче Бо́жий,  
Святите́лю о́тче Тихоне, не умолче́ от дне́  
блаже́ннаго успе́ния до дне́ свѣтлаго  
прославлѣ́ния твоего́: мно́зи бо ве́дяху тя́

Богоносна и равноангельна суща. Ныне же вся  
Российская земля благодарне вопиет  
прославленному тѣ Богу: Аллилуиа.

### **Икос 11**

Светило быв, вся концы земли Российския  
озарил еси, Святителю приснопамятне. Егда же  
приспѣ время отшествия твоего, Божественнии  
Ангели прияша святую душу твою и в небесныя  
обители вознесоша; тело же твое честное Троица  
вседѣтельная содела нетленно и источник чудес  
показа на утверждение православныя веры, на  
обличение же неверия и суевѣрия. Тем же,  
поминающе блаженное успение и велие твое на  
небеси и на земли прославление, с радостію  
приносим ти благохваления сия:

Радуйся, великий угодниче Божий, течение  
благочестне скончавый;

радуйся, веру, надежду и любовь до конца  
сохранивый.

Радуйся, по трудѣх странствія земнаго  
сладце в селениих небесных почиый;

радуйся, яко смерть приявый, тления же не  
познавый.

Ра́дуйся, со Хри́сто́м, Егóже возлюбил еси́, на  
вѣки соединивыйся;

ра́дуйся, Ца́рствия Небѣснаго и сла́вы вѣчныя  
наслѣднице.

Ра́дуйся, я́ко нетлѣнием мо́щей твои́х  
спаси́тельную си́лу воскресе́ния Хри́сто́ва  
явля́еши;

ра́дуйся, я́ко о́ным зарю́ о́бщаго воскресе́ния  
на́м показу́еши.

Ра́дуйся, и́стины правосла́вия несомне́нное  
увере́ние;

ра́дуйся, в Це́ркви прису́щия благода́ти  
нелóжное извеще́ние.

Ра́дуйся, земна́го оте́чества твоегó но́вое  
светило́ и утвержде́ние;

ра́дуйся, ца́рства правосла́внаго покрóве и  
защище́ние.

Ра́дуйся, Тихоне, вели́кий и пресла́вный  
Чудотво́рче.

## **Конда́к 12**

Благода́ть чудес́ многообра́зных, всели́вся в  
небеси́, прия́л еси́ от Го́спода, преблаже́нне  
Тихоне. Сего́ ра́ди пода́еши исцелѣ́ния все́м,

притека́ющим к тебе́ с ве́рою. Мы́ же, дивя́щеся  
в тебе́ всемогúществу и бла́гости Бо́га, вопие́м  
Ему́: Аллилу́иа.

## И́кос 12

Пою́ще дивное прославлéние свята́го телесе́  
твоего́, ви́дим тя́, Богоблаже́нне Святите́лю  
Тихоне, при́сно зде́ источа́юща пото́ки чудéс, и в  
удивлéнии восхваля́юще тя́, зове́м:

Ра́дуйся, живонóсный исто́чнице, благода́ть  
исцелéний излива́яй на́м от всечестны́я ра́ки  
твоея́;

ра́дуйся, все́х одержи́мых неду́ги  
непосты́дное прибе́жище.

Ра́дуйся, слепы́х прозрéние;

ра́дуйся, немых́ ясное глаго́лание.

Ра́дуйся, я́ко от одра́ разсла́бленныя  
воздвиза́еши;

ра́дуйся, я́ко стужа́емья от бесóв  
свобождáеши.

Ра́дуйся, сухору́кия и сля́ченныя к дéланию  
исправля́яй;

ра́дуйся, хромы́м и нича́щим хождéние  
подава́яй.

Ра́дуйся, телес наших благосострада́тельный  
врачу́ и хране́ние;

ра́дуйся, и ду́ш наших к Ца́рствию Небе́сному  
возведе́ние.

Ра́дуйся, ему́же сора́дуются А́нгели и о нёмже  
веселя́тся челове́цы;

ра́дуйся, имже Бо́г дивен во Святы́х Свои́х  
явля́ется.

Ра́дуйся, Тихоне, вели́кий и пресла́вный  
Чудотво́рче.

### **Конда́к 13**

О вели́кий и пресла́вный Чудотво́рче,  
Святите́лю Христо́в о́тче Тихоне, приими́ си́е  
похва́льное пе́ние от нас недосто́йных во  
умиле́нии тебе́ приноси́мое, и твои́м те́плым  
предста́тельством у престо́ла Бо́жия испроси́  
на́м утвержде́ние в ве́ре и до́брых де́лах,  
избавле́ние от все́х бе́д и напа́стей в жи́зни се́й,  
в сме́ртнем же успе́нии на́шем благо́ю наде́жду  
спасе́ния, да сподо́бимся в ра́дости ве́чной  
воспева́ти дивно́му во Святы́х Бо́гу: Аллилу́иа.

*Этот конда́к чита́ется трижды, затем и́кос  
1-й и конда́к 1-й.*

## Моли́тва пе́рвая

О, вели́кий Уго́днице Бо́жий и пресла́вный Чудоотво́рче, Святите́лю о́тче наш Тихоне! Со умиле́нием прекло́нше колéна и припа́дая к ра́це честных и многоцеле́бных мо́щей твоих, хва́лим, сла́вим и велича́ем просла́вльшаго тя́ Бо́га, и на́м недостойным показавшаго в тебе́ ве́лию ми́лость, и всеу́сердно, ве́рою и любо́вию чту́щи святу́ю па́мять твою́, мо́лим тя́: принеси́ моли́тву на́шу к вся́ содержа́щему и спаса́ющему человеколю́бцу Го́споду, Ему́же ты́ ны́не с ли́ки А́нгел и со все́ми Святы́ми предстои́ши, да утверди́т во святе́й Своёй правосла́вней Це́ркви живы́й ду́х пра́вья ве́ры и благоче́стия, да вси́ чле́ны ея́, чи́стии от суемудрия и суеве́рия, ду́хом и истиною покланя́ются Ему́ и усердно пеку́тся о соблюде́нии Его́ за́поведей, па́стырем ея́ да да́ст святу́ю ре́вность попече́ния о спасе́нии вве́ренных им люде́й — пра́во ве́рующия соблюда́ти, сла́бья и немощны́я в ве́ре укрепля́ти, неве́дущия наставля́ти, проти́вныя облича́ти. И па́ки припада́юще, с упова́нием, яко́же ча́да о́тца на́м су́ща, мо́лим тя́, Святите́лю Тихоне, ве́руем бо, яко́ ты́, на небесе́х живы́й, любиши ны́ то́ю же любо́вию, ё́юже вся́ бли́жняя твоя́ возлюбил еси́, внегда́

пребывати тебе на земли, испроси у всемилостиваго Господа и всем нам подати дар коемуждо благопотребен и вся, яже к животу временному и вечному полезная, мира умирение, град наших утверждение, земли плодоносие, от глады и пагубы избавление, от нашествия иноплемённых сохранение, скорбящим утешение, недугующим исцеление, падшим возставление, заблуждающим на путь истины возвращение, подвижающимся в делах благих укрепление, благоделающим преспеяние, родителем благословение, чадом в страхе Господнем воспитание и научение, наставником ведение и благочестие, невеждущим вразумление, сирым, неимущим и убогим помощь и заступление, отходящим от сего временнаго жития к вечному благое уготовление и напутствование, отшедшим блаженное упокоение. Сих всех, наипаче, проси нам, Святче Тихоне, у Щедродавца Бога, яко имый велие к Немю дерзновение: тебе бо стяжахом приснаго заступника и теплаго молитвенника о нас пред Господем, Емуже подобает всякая слава, честь и поклонение. Отцу и Сыну и Святому Духу, ныне и присно и во веки веков. Аминь.

## Молитва вторая

О всехвальный Святителю и Угодниче Христов, отче наш Тихоне! Ангельски пожив на земли, ты яко Ангел благий явился еси и в дивнем твоём прославлении. Веруем от всея души и помышления, яко ты, благосердый наш помощниче и молитвенниче, твоими неложными ходатайствами и благодатию, обильно дарованною тебе от Господа, присно способствуеши нашему спасению. Приими убо, убожаемый Угодниче Христов, и в час сей наша недостойная моления: свободи ны твоим заступлением от облегающего нас суесловия и суемудрия, неправоверия и зловерия человеческого. Потщися, скорый о нас предстателю, богоприятным твоим ходатайством умоли Господа, да пробавит Своя великия и богатыя милости на нас грешных и недостойных рабах Своих, да уврачует Своею благодатию неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениях наших и да избавит ны вечных мук и огня геенскаго; всем же верным людем Своим да дарует в нынешнем веце мир и тишину, здравие и спасение и во всем благое

поспешѣние, да тако, тихое и безмолвное житиѣ  
поживше во всяком благочестии и чистотѣ,  
сподобимся со Ангелы и со всеми Святыми  
славити и воспевати всесвятое имя Отца и Сына  
и Святаго Духа. Аминь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**